



ШЫН

НИИТИЛЕЛ-ПОЛИТИКТИГ СОЛУН

1925 чылдың
август 31-де үнүп
эзелээн

№ 42 (17179)

2006 чылдың
АПРЕЛЬ 20,
четверг

Номерни парлагаже
дужааганы:
график езугаар – 21.00,
херек кырында – 17.00
Садар өртээ – 4 рубль.

РОССИЯНЫҢ «№ 1 КАМГАЛАКЧЫЗЫ»

Россия
Федерациязының
Хамааты камгалал,
онза байдалдар
болгаш ооң чедирген
уржуктарын
узуткаарының
талазы-биле яамы
бо хуннерде
чурттуң эң эки
ажылдыг болгаш эң
улуг албан чери



Россияның Маадыры, Армия генералы болгаш федералдыг сайыт Сергей Кужугетович Шойгу Россияда билбес кижичок.

А 15 чыл бурунгаар чоок эки Юрий Воробьев-биле ийилээ Россияның камгалакчылар корпусун ынчангы Дээди Советтин шийтпири-биле тургузуп турда, оларны билир кижичок барык чок турган. 1991 чылдың апрель айда федералдыг чаа албан черин тургузуп турда, оларга чаңгыс ажилдаар өрээл, чаңгыс автомашина болгаш чаңгыс ажилчин телефон турган.

Россия Федерациязының Хамааты камгалал, онза байдалдар болгаш ооң чедирген уржуктарын узуткаарының талазы-биле яамы бо хуннерде чурттуң эң эки ажилдыг болгаш эң улуг албан чери деп санадып турар. Яамының бажыңы Кремльден каш-ла базым черде. Онза байдалдар яамызының удуртукчуларының ат-алдары делегейде билдингир апарган. Сергей Шойгунуң эки, бирги оралакчызы Юрий Воробьев база генерал эргелиг, Россияның Маадыры. Ол Сергей Кужугетович-биле 15 чыл иштинде кады кызып ажилдап тургаш, боттарының тургускан «төлүн» делегейниң эң шыырак дээн 5 камгалакчылар корпусунун санынче кирип шыдаан. Оларның арга-дуржулгазын өөренири-биле чылдың-на янзы-бүрү чурттарның он-он делегациялары яамыга кээп турар.

Сергей Шойгу яамыны бо үеге чедир удуртуп келгеш, сая-сая чурттакчыларның хундуктели чаалап алган. Яамы бо хуннерде чуртта дээр дээн тускай авиациялыг, хөй чүс муң шериглиг, он-он янзы-бүрү албаннарлыг, чер-черлерде эргелелдерлиг болгаш эртем-шинчилел институттарлыг апарган. Чурттуң хамаатылары Онза байдалдар яамызынга ажилдаары хундуктел деп санап турар. Бо хуннерде муң-муң уруглар өзүп келгеш, камгалакчылар болур күзелдиглер.

А Сергей Шойгу боду бичининде баштай ужудукчу, ооң соонда узак орук чолаачызы болурун күзеп турган. Ынчалза-даа тудугжу-инженер болган. Кызылга, Абаканга болгаш Красноярск хоорайларга аныяк тургаш-ла, улуг тудуг трестерин удуртуп, он-он тудуларны ажылдалга кирип четтигипкен. Ындыг-даа

болза, езулуг аас-кежиин, ынак ажилын камгалакчының мергежилден тыпкан. Ону анаа эвес Россияның «№1 камгалакчызы» деп турары ол.

Россияның камгалакчылары 15 чыл иштинде чуртка болгаш даштыкыга 200 муң ажыг камгалал операцияларны чоруткан, барык 1,5 миллион кижиниң амы-тынын алган. Яамының күштери делегей чергелиг 30 ажыг дилээшкин-камгалал операцияларынга киришкен. Россияның камгалакчыларынга өөрүп четтиргенин Турцияның, Афганистаның, Грецияның, Колумбияның, Тайваньның, Индияның, Алжирниң, Ираның, Пакистаның, Германияның, Чехияның, Мурнуу-чөөн Азия чурттарының, Грузияның, Югославияның дээш, өске-даа чурттарның сая-сая чоннарны илередип турар. Россияның камгалакчылары ол чурттарның чамдыктарына 2-ден 12 катап дузазын көргүскен. Сергей Шойгу улуг камгалал операцияларын боду удуртуп чаңчылын чидирбээн. Ол чылыг кабинетке олуруп алгаш командалар хөңнү чок. Бир катап Нефтегорск хоорайга болган халап үезинде (чер шимчээшкини) бузулган бажыңның бетонунуң адаандан чаш уруг тып алырга, ооң камгалакчылары уругну уштур дээш нарын операция чорудуп турда, оларга фонарьны хондур чырыдып берип тура хонган. Кажан дириг уругну камгалап алырга, чүгле ынан таапкызын уштур тырткан.

Онза байдалдар яамызының кезектери даштыкы чурттарга 140 ажыг гуманитарлыг дузаны көргүскен.

Яамының бир камгалал операциязы – чүгле сынык кезин безин 700 тонна демир-бетон хоолайны тар херим иштинге барып ужурбайн дүжүргени кайгамчык ажилды – Гиннестин рекордтар номунче кирген.

Сергей Шойгу сайыттап келген үезинде дыка хөй сорулгаларны амыдыралга боттандырган. Ол ам-даа хөй планнарлыг ажилдап турар. Ындыг планның бирээзи – делегей чергелиг Онза байдалдар агентилелин тургузары. Бир эвес Сергей Кужугетович ону сегирип алып болза, ооң боттаны бээрине кандыг-даа чигзиниг турбас.

Интернеттин материалдарындан.



ТР-ниң Чазаанда

42 айтырыгны чугаалашкан

Чазактың ээлчеглиг хуралына бирги кварталда республиканың социал-экономиктиг хөгжүлдээзиниң баш бурунгаар алдыгандыг түңнелдерин сайгарып чугаалашкан.

Казып тыпкан, болбаазыраткан, бүдүрген барааннарның хемчээли 625,2 млн. рубль болган. Эрткен чылдың бо үези-биле деңнээрге, продукцияның хемчээли бөгүнгү өртөктер-биле 80,1 млн. рубльге өскөн.

Кызыл кожууннуң бо чоокку ийи чылда социал-экономиктиг хөгжүлдээзиниң планын езугаар кол угланышкын – мал бажын өстүрери болуп турар. Чер ажилында бир улуг ажил – «Кара-Хем» муниципалдыг бүдүрүлгениң суггарылга системазын чаартыры, Кара-Хаак сумуга ногаа болбаазырадыр цехти болгаш ногаа шыгжаар черни тудары көрдүнгөн. Чербинин ыяш ажил-агый

бүдүрүлгезин калбарткаш, Кара-Хаак, Шамбалыг, Баян-Кол, Каа-Хем суурларга 4 пилораманы ажылдалга кирирер, эрги Көк-Тей фермазының девискээринге тууйбу заводун туткаш, тус черниң тудуг материалдарын (тууйбу, пенобетон, шлакобетон) көвүдедир.

Танды, Тес-Хем, Чеди-Хөл, Эзрин кожууннарда «Өөредилге» деп национал төлевилелдин боттанып турарының байдалын хуралга чугаалашкан болгаш илереттинген четпестерни чайладырының талазы-биле хемчеглер планын хүлээп алган. Чижээ, ол кожууннарның чамдык школаларын даштыкы дыл башкылары-

биле четчелээр, компьютерлер-биле хандыраар, Интернетке кожарына саналгалыг автоматчылтыг телефон станцияларын тургузар.

«Хандагайты» автомобиль эртирилге пунктузунга доктаамал хөй талазы-биле бөдүүнү-биле чугаалаарга, ону Бүгү-делегей чергелиг болдурар дугайында айтырыгны хуралга чугаалашкан. Бо сорулга-биле ТР-ниң Чазааның адындан Россия Федерациязының Чазаанче дилег чагааны чорудар.

Чазак хуралына оон-даа өске айтырыгларны сайгарган болгаш ниитизи-биле 42 айтырыгны анаа чугаалашкан.

В.А.Д.С.М.

«ШЫН»-2006



2006 чылдың май 9-та Тываның 5 чылы аттыг стадионга Улуг Тиилелгенниң 61 чыл оюнга тураскааткан «Шын» солуннуң шаңналы дээш тыва национал хүрешке чаңчыл болган маргылдаа болуп эртер.

«Шын» солун — Тываның социал-экономиктиг, культурул хөгжүлдээзин чырыдырынга, шийтпирлээринге киржип турар кол парлалга органы болбушаан, тыва национал хүрешти сайзырадып, ону аныяктар ортузунга непертеринге хөй-хөй чылдарда бодунуң төлептиг үлүг-хузуун кирип келген. Республиканың шыырак дээн мөгелери «Шын»

солунуң шаңналы дээш маргылдаага киржип, аңаа шаңналдыг черлерни ап чорааш, улуг спорттуң делгем оруунче кирген дээрзин айтып каары чугула.

Хүреш май 9-та 14 шакта Тываның 5 чылы аттыг стадионга эгелээрин дыннадып турбис. Аңаа республиканың болгаш найысылалдың эң шыырак мөгелери киржир.

Маргылдаа колдуунда деткикчилерниң идепкейлиг киржилгези-биле эртип келген.

Бай-шыырак организацияларны, сайгарлыкчыларны, тыва хүрештиң мөгейикчилерин «Шын» солунуң шаңналы дээш эртер бо маргылдаага деткикчи бооп киржирин улуу-биле диледвис.

БАШТАЙГЫ ДЕТКИКЧИЛЕР

1. ТР-ниң Чазааның Даргазы Ш.Д. Ооржак.
2. ТР-ниң Чазак Даргазының Канцеляриязының удуртукчузу Д.Д. Ооржак.
3. Садыг бажыңы «Гаруда».
4. Республиканың одаар чүүлү садып-сайгарар конторазы (начальниги А.Д. Ооржак).
5. Республиканың Арга-арыг ажил-агый талазы-биле аген-

тилен (удуртукчузу С.В. Сапелкин).

6. ТР-ниң Улуг Хуралының Хойлужудулга палатазының депутаты М.К. Куулар.
7. Күрүнениң механизастаттынган ажилдар чорудар эргелели (начальниги С.В. Есипов).
8. «Федералдыг автоорук М-54 «Енисей» эргелели (начальниги С.С. Санаа).
9. «ВЕСТ-Офис» КХЭ садыг-

бүдүрүлге фирмазы (директору М.М. Шогжал).

10. «Обилейный-001» автобүдүрүлге.
11. Кара-Хөл суму чагыргазы (чагырыкчы А.Д. Иргит).
12. Кызыл кожууннуң Эрбек сумузунда арат Алаш-оол Монгуш.

Деткикчилерниң кээри уламчылап турар.

К.Ч.Тоюңнуң 80 харлаанынга

Константин Чанзаңович ТОЮҢ 1926 чылдың апрель 22-де Бай-Тайга кожунуң Хөл сумузуңуң девискээри Алды-Чиңге-Даг деп кыштагга төрүттүнгөн. Ынчан Чанзаң Шынаралович Салчактын болгаш Матпайган Кунгаевна Монгуштуң өг-бүлезинге үш кыстың соонда, дөрт дугаар оол төрүттүнгени ол. Чанзаңарның өг-бүлезинге Тоюңнуң соонда бир оол, бир кыс база немешкен. Мээң авам Константин Чанзаңовичиниң кады төрөөн улуг угбазы. Ынчангаш К.Ч.Тоюң мээң даайым боор. Чанзаң кырган-ачамның ада-өгбелери Хөл, Калбак-Даг, Туралыг, Алды-Чиңге-Даг, Алды-Ажык, Мөңгүлек ынчаар кыштап, чайлап, күзеглеп, казаглап чорааннар. Кырган-авамны Чыргакының монгуштарындан кудалап эккелген дээр чүве.

К.Тоюңнуң назы-хары ондан ушчок ажып, шору эр бооп өзүп, өөренирин күзеп турза-даа, ада-иези ону аалындан ырадып, школаже чорударынче далашпайн турган. Ол бир күзүн Мешлең-Хөлдөн школаже уругларын чедирер дээн кожа аалдарның улузунга ада-иезинден чаштынып ушкакып чорупкаш, Кызыл-Мажалык школазының өөреникчизи болу берген, ынчан 1940 чылдың күзү турган.

1943 чылда чаа өөредилге чылы эгелеп турда, Кызыл-Мажалык школазынга уран талантылыг уруглар шилип ап, Кызылдан комиссия келген. Константин Тоюң шилиттингеннер аразында кирген болгаш Кызылдың театр студиязының ши салбырының сургуулу апарган. Ол ону 1945 чылда чедишкниң дооскан.

К.Ч.Тоюң 1948 чылдың августка чедир театрга шиилерге ойнап, ырлап, танчылап, шүлүк, басна, баштак чугааларны кончуг солук күүседип турган. Ол театр студиязынга өөренип, артистеп турар чылдарында шүлүк бижиринге хандыкшып, тыва литератураның үндозилекчилери С.А.Сарыг-оол, С.Б.Пюрбю, сураглыг чогаалчы О.С.Сувакпит сулгар-биле таныжа берген болгаш оларның-биле чоок өңүктөр бооп эдержип чораан. Даайымның өңнү чораан хоочун башкы, шүлүкчү А.Д.Арапчор меңээ К.Ч.Тоюңнуң 1949 чылда Эрзин кожунуңуң ынчангы Сагаан-Толагай школазынга ажылдап тургаш, аңаа шүлүктөп бижээн ийи чагаазын эккеп бергеш, ооң-биле ишти-хөңнүн чажырышпас чоок ээшикилер чораанын сактып жөөршп ора: «Билип ал, чогаалчылардан Костяның кончуг чоок эжи Сергей Бакизович Пюрбю чораан» деп чугаалай кааптарга, орта бадыйкал кылдыр, бир таварылганы дораан сактып келдим.

Ынчан 1955 чылдың август ортан үези. Тоюң даай Бай-Тайганың Кызыл-Дагдан Өвүнүң Хандагайты суурунче көжерде, мени эш тыртып эдертип алган. Чүктүг машинада иелзэн бис. Каакай күүйүм (К.Тоюңнуң өөнүн ишти) черле Өвүр чурттуг болгаш

бичии уруу Света-биле шагдала ында чеде берген турган. Орук ара Чадаана хоорайга доктааган бис. Меңээ чүгүн кадартып кааш: «Мында эштерим бар, оларга ужуражыпкаш кээйн» дээш чорупкаш, элзэн болганда келзеле, кижим ак-сарыг өңнүг костюм хөрээ кедип алган, чогаалчы эжи С.Пюрбю-биле ужурашканын хөөреп: «Семирип турары кончуг кижидир, бо сыңмастап бар чыдар хевин мени кедип каавыт дидир» деп келген. Ам бодаарга, шынап-ла, бо таварылга безин оларның эки эдержип чораанының бир херечизи-даа болур-дур.

Константин Чанзаңович Тоюңнуң овур-хевириң, аажы-чаңын каракка көстүп кээр кылдыр ооң чоок эжи, сураглыг чогаалчы Олег



кончувас, топтук-томаанныг кижии чораан. Элзэн чылдарда Хөл сумузуңга арбан даргалап турган, ынчан чон ону «Узун дарга» деп ойзу адай берген. Арбан үндүрүүн чогуур үезинде чедир хавырбаан дээш кожун дүжүмединге кымчы-биле дөртөн кактырып шаажылаткан чери база бар. Кажар дүжүмет шииткелди күүседирин буруудаттырган ийи арбан даргаларының боттарынга онааган. Шииткелди баштай чаңгыс сумуда база бир арбан даргазы Салчак Чамбый-оол күүседип тура, «дараазында менне болгай мен» деп бодавышаан, эжин камнай аарак, кымчылап турган чүве-дир. Салчак Чанзаң бодунуң ээлчээ кээрге, «мени чоп кончуг аарты какты бо» деп

Чазанылгаа шевер ачам Шала тырып ажылдап ор.

Кады кошкак, аарыг-даа бол, Олут-дыш чок ишти авам Конторадан үнүп келгеш, Онгардыва богун чашты.

К.Ч.Тоюң 30 харлыг хып дээн аныяанда 1956 чылдың декабрь 29-та орукка машина айыыл-халавынга таварышкаш, чырык өртемчейден чарылган-даа болза, эш-өөрү, дөргүл-төрөл чону ону утпаан. К.Ч.Тоюңнуң чогаалдары ортумак школаның тыва чогаал программазынче кирген, ооң чогаалдарын Тываның күрүне университетиниң болгаш Кызылдың башкы училищезиниң сургуулдары өөренип турар. Константин Тоюңнуң адын мөңгөжидип, Бай-Тайга кожунуңуң Бай-Тал суурунун бир кудумчузун адаан. Чээннеринде, дунмаларында ооң кылып чораан ажыл-ижин салгал алганнар хөй.

Кады төрзэн дунмалары С.С.

АМ-ДАА БИСТИҢ АРАВЫСТА

Өдербеевич Сувакпит К.Тоюңнуң «Шүлүктөр болгаш шүлүглелдер» деп номуңуң эге сөзүңге кончуг шыны-биле бижээн.

К.Ч.Тоюң даайым, шынап-ла, хөй талалыг талантылыг кижии чораан. Ол чүгле шүлүкчү, композитор боорундан аңгыда, ши бижиринге күжүн шенеп чораан. 1948 чылда «Кажан-даа кады бис» деп дөрт көжегелиг шиини бижип дооскан, ол ши ооң архивинде долузу-биле бар, хомуданчыг чүве, колхозчу чаа амыдырал, аныяктарның ажыл-ижи, найыралының дугайында бижээни дөрт көжегелиг база бир шиизиниң эге болгаш төнчү арыннары читкен.

Тоюң даайым баян, гармонь болгаш игил, дошпулуур, мандолина дээн чижектиг хылдыг хөгжүмге дески ойнаар кижии. Ол ажылдап чораан-на черинге уран чүүл коллективин удуртуп, кожун, область денелдиг көрүлдерге хөй катап шаңналдыг черлерни ап келген. Ол спорттуң яңы-бүрү хевирлеринге хандыкшылдыг: хаактаар, конькилээр кижии. Ылаңгыя, хол бөмбүүнге ооң командазы каяа-даа ховар уттурар турган, «өшкү бажы» дээр кыска көдүрүг-биле ооң кагыын дозар кижии барык чок турган деп болур.

Константин Тоюң улустуң аас чогаалының чыккычларының бирээзи. Ооң маңаа кириген улуг үлүг-хуузу Тываның гуманитарлыг шинчилелдер институтунун эртем ажылдакчылары Зоя Байыровна Самдан (ам республиканың культура сайыды) болгаш өскелер-даа бедии-биле үнелеп, демдеглеп «Сибирьнин болгаш Ыраккы Чөөн чүк улустарының фольклорунун тураскаалдары» деп хөй номнуң үндүрүлгениң «Тыва улустуң тоолдары» деп 1994 чылда Новосибирск хоорайга үндүрген томунуң 12 арнында чуруун, адын киригени өөрүнчүг.

К.Ч.Тоюңнуң ажыл, амыды-

ралы, намдар-төөгүзү ханы шинчилеттинмээнинден ооң дугайында бижээн чүүлдерде чамдык карышкактар бар. Ону билер шамбиле эдерин шенеп көрейн. «Тываның чогаалчылары» деп номда болгаш тыва школаның 10-гу класының «Тыва чогаал» номунда ооң төрүттүнгөн чылын 1927 чылда деп кириген. Херек кырында ол 1926 чылда төрүттүнгөн, мону ХБАК-тын республика архивинден алган ШИ 033724 дугаарлыг 1945 чылдың июнь 21-де К.Ч.Тоюңга тывыскан төрүттүнгениниң дугайында херечилелдин хоолгазы бадыйткап турар.

1995 чылдың № 5 «Башкы» журналында С.Х.Натпий-оолдун, М.Б.Ховалыгының «К.Ч.Тоюңнуң дугайында сактышкынар» деп материалында улус өөредилгезиниң шугумунга К.Ч.Тоюңну 1950 чылда ажылдап эгелзенин айтыкан. А херек кырында, ооң чоок эжи, шүлүкчү, Алексей Дүгерович Арапчорнуң сактышкыны-биле Константин Тоюң Эрзиниң Сагаан-Толагай школазынга 1948 чылдың күзүнүңде ажылдап келген, 1950 чылда ол школа хагдынарга, төрзэн чери Бай-Тайгаже башкылап чорупкан бооп турар. Алексей Дүгерович ол чылдарда база Эрвин кожунуңуң школаларынга ажылдап чораан.

Улуг угбазы Сержиң Чанзаңовна Константин Тоюңну Эрзинге ийи чыл башкылап ажылдаан деп сактып чугааланың дыңнаан мен.

К.Ч.Тоюңнуң ада-иезиниң дугайында каш сөс. Ачазы Чанзаң Шынаралович Салчак тоолчу, аңчы, бызаңнал чазаныр, шыдыраага, баг кагарынга ынак, ылаңгыя шагаа мөөрейлеринге эки ойнаар турган. Хөй артык сөс-даа чугаалавас, уруг-дарыын-даа

шыжыгып, шииткелди Чамбый-оолга хамаарыштыр шириң күүсеткен. Ооң соонда ийи дарга «сээң холуң аар болду, мен сени камнап турдум» джижип маргыжып, найыралы баксыраан дээрзин улуг уруу Сержиң Чанзаңовна Конгар сактып чугаалап олурар чүве.

Чанзаң Шынараловичиниң «Бокту-Кириш, Бора-Шээлей» баштадыр ыткан тоолдары хөй, элзэн хөйү чырыкче үнген. Гуманитарлыг шинчилелдер институтунун алдын фондузунда чырыкче үнмээн, ооң ыткан тоолдары ам-даа хөй. «Сибирьнин болгаш Ыраккы Чөөн чүк улустарының фольклорунун тураскаалдары» деп хөй номнуң үндүрүлгениң 1994 чылда Новосибирскиге үнген «Тыва улустуң тоолдары» деп номунда, 446 арнында, номда кирген тоолдарны ытканнарның аразында Салчак Чанзаң Шынараловичиниң ады база кирип турар.

Константин Тоюңнуң иези Монгуш Матпайган Кунгаевна 1901 чылда Чөөн-Хемчик кожунуңуң Чыргакыга төрүттүнгөн, узун назылап, 82 хар ажып чорааш мөчээ. Ол аныяанда херээженнер ажылынга идепкейлиг киржи чораан, даараныр, шевер. Бир эге класска өөренип турувуста, уругларының оолдары меңээ, Володя, Толяга алгыны саргарты өңөп тургаш, демейи кончуг орус тоннар даарап берип турганын сактыр-дыр мен.

Константин Тоюңнуң ада-иезинге тураскааткан шүлүктери хөй. Оларның чаа колхозчу амыдыралынче киргениниң дугайында мындыг одуруллары бар:

Сыны күштүг, ыргак-даа бол, Шырай арны өөрүшкүлүг

Тойлу, Д.Ч.Тюндешева башкылар болган. Салчак Тойлу, Анатолий Конгар, Олег Тюндешев бот-ты-вынгыр композитор деп атка телептиг болганнар. Чиңгис Конгар, Тойлу Байлаңмаа дээш ыры, шүлүк чогаадырынга күжүн шенеп чоруур аныяк салгал өзүп орар. К.Ч.Тоюң ам-даа бистиң аравыста ыры, шүлүү-биле чурттап чоруур. Ооң бир херечизи: баштайгы шүлүктериниң бирээзи «Ыраажы кыс» Алексей Чыргал-оолдун аялгазы-биле конуңуң ынак ырызы болу берген болгаш «Аяң» ансамблиниң бирги бөлүү — Демир-оол Кожиктиг, Галина Сюрюн, Надежда Шойгу, Олег Сарыглар, Кайгал-оол Ховалыгының күүсел-дези-биле «XX вектин 20 эки ырларының» санынга киргени болур.

К.Ч.Тоюңнуң «Шүлүктөр болгаш шүлүглелдер» деп баштайгы номун үндүреринге ооң чоок эжи, өңнүү, чогаалчы Олег Өдербеевич Сувакпит улуг дузаны көргүзүп, Юрий Шойдакович Кюңзегеш, Александр Александрович Даржай чогаалчы-биле кады редакторлап үндүргөн. Шүлүкчүнүң баштайгы номунга кирбейн барган ыры, шүлүк, шиилери ам-даа хөйү-биле барык республиканың башкылар били сайзырадыр институтунун дыл болгаш литература кафедрасының ажылдакчызы чораан Светлана Багай-ооловна Байыр-оолдун дилзени-биле 2000 чылдың төңчүзүңде тывылган К.Ч.Тоюңнуң чогаалдарының архиви бадыйткап турар.

Кажан-бир Константин Чанзаңович Тоюңнуң чогаалдарының долу үндүрүлгези негеттинип кээр үе туруп кээр дээрзинге бүзүрелдиг мен.

Николай КОНГАР.

Table with columns: ЧАС, ХЕМ КЫДЫЫНДА КЫС. It lists various traditional sayings and proverbs related to time and winter.

Чонну ажилга хаара тудар албаның 15 чылынга

Тыва Республиканың күрүне шаңналдары-биле шаңнаар дугайында

ТЫВА РЕСПУБЛИКАНЫҢ ЧАЗАК ДАРГАЗЫНЫҢ ЧАРЛЫЫ

Чонну ажилга хаара тудар талазы-биле ачы-хавыяазы дээш база хөй чылдарда ак сеткилдиг ажилы дээш

«Тыва Республиканың алдарлыг ажилдакчызы» хүндүлүг атты

Чонну ажилга хаара тудар федералдыг күрүне албанының Тыва Республика талазы-биле Эргелелиниң ажилга хаара тударыга дузалаар, инновация болгаш информация технологияларының килдизиниң 1 категорияның специализи **Раиса Кадыг-ооловна ОЮНГА** тыпсыр.

Тыва Республиканың Чазак Даргазының Хүндүлел бижии-биле Чонну ажилга хаара тудар федералдыг күрүне албанының Тыва Республика талазы-биле Эргелелиниң начальниги **Виталий**

Сергеевич **ЧАЖ-ООЛДУ**;

Кызыл кожуунунуң чонну ажилга хаара тудар төвү күрүне албан чериниң директору **Галина Сатовна ОНДАРНЫ**;

Чонну ажилга хаара тудар федералдыг күрүне албанының Тыва Республика талазы-биле Эргелелиниң саң-хөө-бухгалтерия килдизиниң начальниги **Людмила Дадый-ооловна ОЮННУ**;

Улуг-Хем кожуунунуң чонну ажилга хаара тудар төвү күрүне албан чериниң директору **Николай Чозарович САРЫГЛАРНЫ** шаңнаар.

Тыва Республиканың Чазак Даргазы **Ш. ООРЖАК**.

Кызыл хоорай.

2006 чылдың апрель 18, № 61

ХӨЙ-НИИТИ АЖЫЛЫНДА

«Ажил чок улус» турбазын база чоннуң аразында ажил чок чорукту кызырар дээш Барыин-Хемчик кожуунда чонну ажилга хаара тудар төптүң ажилдакчылары бүгү хемчеглерни ап турар. Эрткен 2005 чылдың эгезинде ук төптүң учедунга кожуунуң 748 ажил чок чурттакчызы турган, оларның иштинде 621 кижиге пособие акшаны төлээ. Отчеттүг чылдың дургузунда төптүң мурнундан хөй-ниити ажилдарына 413 кижиге киришкен. Ажил чок олурбайн, боду бодун хандыртынарына идиг бээри-биле федералдыг бюджеттен 308595 рубль көрдүнгөн турган.

Ажил-агыйы чок кижилерни ажилыг ажил-биле хандыраар, оларның амыдырап-чурттаарына деткимчени көргүзүр база кожуун девискээринге яды-туретиг чорукту эвээжедир сорулгалыг кожуун, сумулар чагыргалары-биле чонну ажилга хаара тудар төптүң ажилдакчылары бир демниг ажилды чорудуп келген. Учетта турар кижиниң мергежилиниң азы хөй чылдарда кылып келген ажилының аайы-биле тааржыр ажилды бүдүрүлгелер, организациялар, албан черлериниң удуртукчулары-биле сүмележип тургаш, ол кижини түр-даа када болза ажилдадыр талазы-биле керээ-дугуржулганы чарып турар. Тодаргайлаарга, 2005 чылдың март айда кожуун чагыргазы-биле керээ чарып алгаш Хөндөлөң сумузунда көвүрүг септелгезинге, Шекпээр суунуң чаагай-жыдылгазынга база каналдар болгаш суггарылга системаларын арыглап-аштаарына 36 кижини хаара туткан. Бо ажилдарны кылырынга 36000 рубль чарыгдаттынган. Ол-ла айда Кызыл-Мажалык КУБ РТБ (ремонт-техниктиг бүдүрүлгө)-биле керээ чарып алгаш, часкы хову ажилдарына көдээ ажил-агый техникаларын белеткээринге 50 кижини ажилдаткан. Оларның ажил төлөвиринге 50200 рубль чарыгдаттынган.

Август айда кожуунда назы четпээннерниң социал-реабилитация төвү-биле керээ чарып алгаш, чайгы күш-ажил лагерлеринге поварлап база дузалакчы поварлар, социал педагогтарга дузалажыр кылдыр 15 кижини ажилдаткаш, оларның ажил төлөвиринге 15 120 рубльди шилчиткен.

Учетта турар хамаатылары чүгө керээ езугаар түр сезонуг ажилдарже хаара тударындан аңгыда, оларга моральдыг дузаны, сүмелерни, консультацияларны берип, лекция, чугаалажышыкынарны, семинарлары эрттирилген бис.

Учетта турар хамаатылары чүгө керээ езугаар түр сезонуг ажилдарже хаара тударындан аңгыда, оларга моральдыг дузаны, сүмелерни, консультацияларны берип, лекция, чугаалажышыкынарны, семинарлары эрттирилген бис.

Тускай мергежил чок улусту, ылаңгыя аныктарны республиканың өөредилге черлери-биле керээ чарып алгаш, өөредип чоруткулаан бис.

Кожуунуң чонунуң амыдырал-чуртталгазын экижидер, кижиге бурзуунуң даартагы хүнге бүзүрелин тургузар дээш Барыин-Хемчик кожуунда чонну ажилга хаара тудар төптүң ажилдакчылары моон-даа соңгаар идепкейлиг ажилдаары-биле ажилдың чаа-чаа арга-хевирлерин дилеп тывар сорулгалыг бис.

Тускай мергежил чок улусту, ылаңгыя аныктарны республиканың өөредилге черлери-биле керээ чарып алгаш, өөредип чоруткулаан бис.

Кожуунуң чонунуң амыдырал-чуртталгазын экижидер, кижиге бурзуунуң даартагы хүнге бүзүрелин тургузар дээш Барыин-Хемчик кожуунда чонну ажилга хаара тудар төптүң ажилдакчылары моон-даа соңгаар идепкейлиг ажилдаары-биле ажилдың чаа-чаа арга-хевирлерин дилеп тывар сорулгалыг бис.

Кожуунуң чонунуң амыдырал-чуртталгазын экижидер, кижиге бурзуунуң даартагы хүнге бүзүрелин тургузар дээш Барыин-Хемчик кожуунда чонну ажилга хаара тудар төптүң ажилдакчылары моон-даа соңгаар идепкейлиг ажилдаары-биле ажилдың чаа-чаа арга-хевирлерин дилеп тывар сорулгалыг бис.

Барыин-Хемчик кожуунуң чонну ажилга хаара тудар төвү.

Барыин-Хемчик кожуунуң чонну ажилга хаара тудар төвү.

Мээң авам делегейде эң-не, эң-не чараш кижиге ол Бүрөн-Аксы школазында башкылап ажилдап турар. Авам өөредилге эргелекчизи, орус дыл болгаш литература башкызы. Адын Алина Николаевна Мыдый дээр.

2005 чылда авам он бирги

башкылап турар. Эштерим уруглар, оолдар авамны хүндүлээр, башкы эштери ону кызымак дээр. Оларга бүзүрээр мен, чүгө дизе, мен авамны хүннүң-не көрүп турар мен.

Аян ХЕРТЕК. 6-гы классчы.

Телеграмма

Тыва Республиканың Чазак Даргазы Ш.Д. ООРЖАККА

Хүндүлүг Шериг-оол Дизижикович!

2006 чылдың март 23-26-да Анапа хоорайга Коллективтик айыыл чок чорук дугайында Керээ Организациязының кезектериниң ажилдакчыларының аразында комплекстиг тутчуп-хүрежириниң талазы-биле үшкү Делегей маргылдаазы «Делегейиң спецназы террорга удур» деп программалыг болуп эрткен.

Тыва Республиканың күш структураларының шилдеңгө командазы эки түңнелдерлиг болганы-биле Силерге байыр чедирерин күзүүн ийик мен. Күш структураларының мындыг хемчеглерге киржири ажилдакчыларның болгаш шериг албаныгларның профессионал белектелин бедидеринге дузалаар, а ол ышкаш КАКО-нуң кежигүннери күрүнелерниң аразында найыралды болгаш кады ажилдажылганы быжыглаарында деткимче болур деп идегеп турар бис.

КАКО-нуң Чиңгине секретары **Н.БОРДУЖА**.



ТӨРҮТТҮНГЕН ХҮНҮҤЕР-БИЛЕ

Бистин дуңмаларывыс **Валентина Монгушевна, Борис Донгакович СЕРЕПТЕР** 50 харлавышаан, өг-бүлө тутканындан бээр 30 чыл бооп турар.

Ынчангаш оларга өг-бүлөвистен каң дег кадыкшылды, амыдыралга чедишкүннерни күзевиишаан, дараазында одуруглары бараалгаттывыс.

Бедик сүвүр кырындыва чүткүп үчүп,

Бежен хемниң кежиин сүзүп кешкен ышкаш,

Белен эвес бергелерни кылган эртүп,

Бежен харның байырында туру силер.

Үчүл-ле херек бүдүрүчүр дээш, чуртталга дээш,

Үжен чылдар эрте бээрин билбээр силер.

Ынакшылдың, чуртталганың таван салган

Ындыг хүн бөгүн база таварышты.

Ажы-төлдү азырааштың, өөреткеш,

Амыдырал делгемиче үдээр силер.

Ажыл-ишти холу дыңзыг дуңмаларым,

Ам-даа улай чорууңар-ла чогузунам!

Агыларның өг-бүлөзүндөн: угбазы, честези.

“ЭХНАТОН”

Дээди сорттуң алтай **далганын** шоодайда — 410 рубль; 1-ги сорттуң — 360, 2-ги сорттуң — 260 рубльге садып турар бис; Минусинск **далганын** ГОСТ 1-ги сортту — шоодайда 330 рубль, ТУ 1-ги сортту — шоодайда 320 рубль, дээди сорттуң — 300 рубльге (10 ажыг шоодайны садып алыр болза, бир шоодайдан чиигелде — 10 рубль); **чарба** — шоодайда 80 рубль; **дробленка** — шоодайда 180 рубль; дээди сорттуң алтай **макароннары** — 13,50 рубль (10 шоодайдан хөйү алыр болза, килограммдан 50 кеп чиигелделиг); чигир шоодайда — 1050 рубль; **крупалар** — (килограммда) — **рис** — 18 рубль, **гречка** — 17,5, **тараа** — 12, **горох** — 7,50, **көже** — 8, **манка** — 9,50, **овсянка** — 9, **тараа** — 7 рубль); 29 рубльден өрү өртектиг хендир үстери; **консервалар**: 14 рубльден өрү өртектиг щи, борщ, солянка, рассольник; компоттар, томат пастазын, сүт, ногаан горошкети садып турар бис. Калбак ногаан **шай** база бар, өртээ — 150 рубль. **Он чуурганың** өртээ бисте 23 рубль. Шоколадтарның, карамель, конфеталарның асортименти элбек. Печенье — 27 рубль. Крекер — 28 рубль. **Бистин адресивис: Загородный пер., 19 "а", бааза "Эхнатон", склад 3** ("Обувь" баазаның чанында), тел.: 5-38-40.

«ШЫН» СОЛУННУ ДАМЧЫШТЫР

Бистин эргим, ынак ававыс, угбавыс, кырган-ававыс **Розалия Ловкиновна ДАМДЫННЫ** сөөлгү орукче үдежип, биске моральдыг болгаш материалдыг дузаны көргүскен ырак-чооктан келген төрелдеривиске, эш-өөрүңге, кудаларывыска четтиргенивисти илередип, мөгейдивис.

Уруглары, уйнуктары база дуңмаларындан.

Бистин эң-не эргим киживис, ававыс, кат-иевис, кырган-ававыс, угбавыс **Галина Кежегеевна ОЧУР-ООЛ** чоок кижилеринден, чырык өртемчейден кезээ мөңгөде чарлып чоруткан. Ону сөөлгү орукче үдешкен чоок төрелдеривиске, кудаларывыска, Сүт-Хөлдүн албан организация черлеринге моральдыг болгаш материалдыг дузаны көргүскени дээш четтиргенивисти илереттивис.

Уруу, күдээзи, дуңмазы, уйнуктарындан.



e-mail: shyn@tuva.ru Индекс 667000. Кызыл хоорай, Красноармейская, 100.

ТУРГУЗУКЧУЗУ: Тыва Республиканың Чазак. Кол редактор **Артур ХЕРТЕК**.

РЕДАКЦИЯНЫҢ ТЕЛЕФОННАРЫ:

Кол редактор — 1-01-35, кол редакторнун оралакчызы — 1-19-87, 1-40-77, тел/факс (394-22) 1-17-94, бухгалтерия — 1-17-91.

КИЛДИСТЕР: нийтилел-политиктиг килдис — 1-18-10, культура, өөредилге — 1-03-88, чагаа — 1-03-87, көдээ ажил-агый, үлеттүр килдистер — 1-17-09.

Солун келбейн барганда, 3-14-94 телефонче долгаар. Неделяда үш катап үнер. Хемчээли парлаан 2 ама.

Тираж 9397. Чагыг 41.

АГАР САНЫВЫС: № 40703810400000010000 Б ОАО Банк «Тувакредит», Кызыл ИНН—1701008465; корр сч 3010181060000000729 БИК 049304729.

Россия Федерациязының Парлалга, телерадио-дамчыдылга болгаш массалыг коммуникациялар херектериниң талазы-биле яамызының Ортаагы Сибирьде регионнар аразының девискээр эргелели «Шын» солунну 2004 чылдың май 14-те эде бүртүкээ.

Херечилелдин дугаары — ПИ № 16-0510. Индекс 10002, 10003. ТР-нин Парлалга болгаш массалыг коммуникациялар талазы-биле агенттигелениң типографиязынга парлаан (Кызыл, Шетинкин-Кравченко, 1). Солунда парлаттынган материалдарның авторларының бодалдары редакцияның туружу-биле дүүштейн барып болур. Айттынган саннары болгаш еске-даа фактылары, дыңдадылары дээш авторлар боттары харьылаар.